



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Vitis Aqvilonia seu Vitæ Sanctorvm Qvi Scandinaviam
Magnam Arctoi Orbis Peninsvlam Ac præsertim Regna
Gothorum Sueonumq[ue] olim rebus gestis illustrarunt**

Vastovius, Johannes

Coloniæ Agrippinæ, Anno M.DC.XXIII.

Guda Regina Vid.

urn:nbn:de:hbz:466:1-38534

G V D A S E V G O E D A
F L O R V I T A N N O
C H R I S T I 1055.

VICTORE II. Pontifice.

HENRICO I. Imp.

EMVND0 II. Rege.



*Guda Regi Da-
nia affini ma-
trimonio copu-
latur.*

*Summi Ponti-
ficis monitiu er-
rore cognito to-
ro Regis absti-
nuir.*

*Cælibem vitã
votis castita-
tem professa e-
git.*

*Gudhemum
monasterium
amplissimum
de sua heredi-
tate extruxit.*

*In coplurimas
virgines ac fœ-
minas collegit
& ad omnem
sanctitatẽ suo
exemplo infor-
mauit.*

*Adaluardum
& socios Regno
pulsos benignis-
sime suscepit &
liberalissime
dimisit.*

*Archiepiscopo
Bremensi Xe-
nia transmissit.
Gudhemum
fluctuantibus
Christianis por-
tum statuit.*

*Orphanorum
& viduarum
communis ma-
ter.*

V D A Regijs in Suecia orta natalibus, Ingonis III. Regis
foror, eximiis naturæ ac fortunæ dotibus, fide ac in Deum
pietate plurimum enituit. Postquam nobiles attigit annos
Suenoni II. Regi Daniae in matrimonio traditur, sed quia
confanguinitate inter illos deprehensa, illegitimum pro-
babatur matrimonium, summi Pontificis monitis, accensuræ Adalber-
ti Archiepiscopi Bremen. tandem cessit Rex, & libellum repudii dedit
confobrinæ.

Guda igitur ab illius thoro amota, reliquum tempus experts coniu-
gij cum summa morum integritate traduxit, castitatemque votis pro-
fessa cælibem vitam egit, abstinencia præterea nec non voluntaria cor-
poris diuexatione illicitæ copulæ noxam, vt apud Deum siue ignoran-
tiæ siue iuuenilis licentiæ veniam mereretur seuerius castigauit.

Ceterum quia nouerat quanti non solum meriti, verum etiam la-
boris apud Deum foret in carne præter carnem viuere, sumptuosum de
sua hereditate quam habuit amplissimam in Vestrogothia extruxit Mo-
nasterium, suo de nomine appellatum Gudhemum. Quo in loco pluri-
mas virgines ac fœminas ad complectendam conseruandamque cum
animi puritate carnis integritatem inuitatas ipsa sanctissimis vitæ cèle-
stis exemplis & monitis ad omnem sanctitatem informauit, vnaque se-
cum ad portum salutis æternæ feliciter perduxit. Quin etiam circa ea-
dem tempora furore gentilium è Suecia Confessores Christi expulsos
Adaluardum Seniore[m] sociosque eius benignissimè collectos summa
prosequeretur veneratione, quasi à Deo missos eorumque spirituali re-
fecta colloquio, temporalibus vicissim refecit donis, ac per Daniam in-
columes Bremam direxit, Archiepiscopo quoque Adalberto singulari
munificentia, insignia per eos xenia transmisit. Exinde Gudhemum
Christianis fluctuantibus portum statuit tutissimum, ipsaque misero-
rum Orphanorum & Viduarum quasi mater quædam communis effe-
cta, omnium necessitatib. egregiè subuenit. Sed nec inerti otio tempus
effluere passa est. Domi quotidiana consuetudine exquisita sacrariorum
orna-

ornamenta opere Phrigio fingebat, ac uque subtili pingebat inque eandem operam continuo reliquarum virginum labores infumi volebat, inter quæ Chlamidem sacerdotalem (pluuiiale vocant) subtilibus sigillis illustrem auro margaritisque preciosis distinctam ac mirificis operis, arte rara elaboratam Roschildensi sacrario doni nomine largita est. Alia quoque complura Diuini cultus insignia, quæ velandis altaribus, quæ induendis sacerdotibus, quæ vestiendis parietibus, quæ conficiendis sacrosanctis Mysteriis idonea operata est. Non tulit æquo animo hanc Sanctæ Gudilæ siue laudis famam, siue virtutis pietatisque gloriam, Suenonis pellex impia Thore, verum offensa, maximè furere cœpit ac vitæ Gudilæ insidiari, quam ad extremum veneno per summum scelus sustulit. Tumulata fuit Gudhemii in Monasterio à se fundato suoque de nomine nuncupato.

Templa & altaria pretiosa suppellectile exornauit.

Veneno ab impia Suenonis Regis pellice sublata. Gudhemii sepelitur.

De ea annales Suetici & Danici Adam. Brem. lib. 3. c. 12. & 16. Abbas Stad. pag. 124. Saxo Gram. lib. 11. Crani. Metrop. lib. 4. c. 33. Joann. Magnus lib. 18. c. 10 Thomas Boztus de signis Ecclesie Dei lib. 21 c. 8.